

辛卯修於

辛卯侍行記卷五

自甘州西北經肅州安西至哈密共一千八百八十二里

秀水陶保廉

十月二十五日卯發甘州 一里出西門西北行 一里

王家橋 七里八里鋪 六里謝家灣土屋烽臺各一折

北循弱水東岸沙灘行水色深青土人呼黑水河不甚寬

而奔流迅急

一里渡木杠

架木填土以通車

轉向西曲折沙際

二里涉小水四五皆弱水爲磊石所隔其北仍合爲一

前年曾築石橋多座旋被沖毀值泛濫時修理驛道恆資

民力民甚苦之弱水之爲害如是不能負芥之說無待辨

矣 三里渡最深處水及馬腹冬令淺涸夏秋更寬也

二里下崖子

又名夾河堡

小堡三夾道如品字

二里半碎石

灘有淤塞之橋西有古廟 一里半上崖子堡

即清河墩西南二十

里巴吉渠又十五里西

洞堡十里大磁窑口山

西過小水 半里上沙坡

四里

半道右大墩曰加店鋪西行沙地

沙阜累累隨風移徙車行無麟麟之聲輻起沙

瀉如磨吐粉土人謂之沙窩子甚費馬力不必沙州始有流沙也

八里沙岡墩

五里五

里墩有荒邨

八里沙井驛

撫彝

鋪戶二十餘饘於行館

路南

大堡有譙樓

四里道北坡上有三層樓蓋佛宇也

道南有遠邨

六里

沙灘堡

或稱小河堡

有邨舍有棗黎

五里賈家莊有沙河

五里沙河堡

堡周里許明建附近居民約三百家

住店計行七十三里汛地

屬黎園營在堡西南五十里

黎園城前明築周二里東北距甘州九十里北距撫彝八

十里今駐都司其要隘曰小磁窰口在營東南五十里曰大磁窰口在營東南四十里曰南山關柵在營南十里曰香山口在營西南十里曰小打磨口在營西南三十里曰大打磨口在營西南五十里曰青溝口在營西南一百二十里所屬祁連山內黃番五族曰大頭目家男女一百六十餘口牧牛心灘距營一百三十里曰羊戛家男女四百餘口牧牛毛山距營一百里曰五箇家牧思蔓處距營一百里曰八箇家牧噶囉口距營一百九十里曰羅爾家牧海牙溝距營二百里三族男女均百餘口或云黃番本前明罕東左衛枝丹部落亦蒙古裔也爲土魯番所侵嘉靖七年總督王瓊移之甘州南山俗稱黃韃子自黎園營循黎園河西南行三十里駱駝撥子又七十里青龍寺三十里紅灣寺四十里黃韃子峽有松樹又南一日程酸茨溝在黑河之旁有金礦山深氣寒祇宜夏工自酸茨溝東行四十里臭水溝又五十里照壁山有油胡盧水山澗多樹金苗頗旺一百餘里黃番大寺有札瑪什水北入黑河四十里八寶山八十里天棚河六十里察漢俄博營又自酸茨溝西北行約三程至春岡峽又二程至肅州之金佛寺堡

響山河卽沙河出榆木山南有東西二柳溝合而東北

流曰黑藏河過黎園谷謂之黎園河又北爲沙河北經撫

彝之東入於弱水

弱水古本作溺水

見說文

後人用溺爲

沈休字因改溺水爲弱

段玉裁古文尙書撰異論之甚詳

今弱水東源爲

山丹河

詳二十一日記

西源爲張掖河俗稱黑水河

以別於東樂之紅水也或

以爲禹貢黑水非也

舊謂黑水出張掖南雪山板答口非也黑水上

游在雪山之南來源甚遠高臺縣南山之南有山曰鐵里

甘達坂黑水出其東麓一名野牛溝東流有紅土溝酸茨

溝諸水南北翼注之東北流屈曲約三百里至古佛寺有

野馬川出永安營西景陽嶺西北流挾八寶山天棚河諸

水來會黑水自古佛寺西北繞洪水營南古營金山南約

二百里至張掖南雪山漢志所謂羌谷水也經板答口出

山北流三十餘里過龍首堡西折西北四十餘里過四海

渠堡西

堡在府西南十里

分爲四五道又北二十里至烏江堡

府西

北二十里

復合流又北二十里至靖安堡南會山丹河折西流

七十餘里

在驛路北南有永安鴨子等堡北有明沙平夷等堡

至頭壩堡南受響山

河

見上

又西二十餘里經撫彝城北又四十餘里經肅州高

臺縣北折西北二十餘里過永豐堡西會擺浪河卽擺通

河

俗呼山水河以祁連雪水爲原夏盈冬涸歷高臺西南穿榆木山尾北至永豐堡入弱水

又西北六

十餘里經鎮夷營南又四十餘里出乾糧山東

卽合黎山峽在肅州

東水經所云至會水縣入合黎山腹者也

史記索隱引此語

弱水

又北一百三十里過毛日城西南亦稱額濟納河會白河

詳肅州

又北二十里過天倉邨東北折東北過雙城子

大紅山東

又北至額濟納蒙古境

即元亦集乃路

爲崑都倫河入索科淖爾

一稱居延海

禹貢所謂入於流沙也

居延地多流沙禹導弱水僅至合黎記其餘波入於

流沙餘波猶言末流耳胡氏禹貢錐指謂正流東北行而餘波滲入敦煌沙中不知敦煌在亦集乃西南千里弱水

豈有此巨支耶且禹於導江有東別爲沱之又弱水果有

千里大枝禹當曰導弱水至於合黎西北境何必泥於敦煌

沙而禹不然則知此流沙即指合黎北境何必泥於敦煌

若東漸西被之流沙則又在昆侖西戎矣張掖河俗稱

黑水河非別有黑水也下流即弱水西北流多而東北流

少明史地志甘肅下云張掖河支流曰黑水河又鎮番

衛下云西有黑河即張掖河下流張掖水安能至鎮番皆

誤

水道提綱甘肅府志於張掖諸水原委甚略茲特詳

考備錄之

二十六日寅由沙河西北行

夏秋驛路泥濘偏南有商路自沙河西五里廖家堡即化

音堡又十里古吉堡即宋家大寨西北五里韓家堡三里康家堡七里威虜堡二十里戈壁腰站十五里雙墩子五

里仁和堡折北三里從仁堡四里高家鋪八里三清河五里高臺縣

十里花牆堡在路

廣屯堡俗稱小屯

二十餘戶有義學左右邨落四五

十里古寨堡在路左

十餘丈有古廟大木坊過此行沙漠

十里撫彝廳

城周一里

分飯於城外行館署通判阜陽程穎齋敏達撫彝廳漢

張掖郡之昭武縣

故城在廳東北四十里古月氏城

及酒泉郡之綏彌縣

疑在廳城左右後漢改安彌晉改昭武曰臨澤

十三州記昭武縣東有臨澤亭十六

國春秋北涼臨澤西有若厚塢又

北涼設臨池郡其時又

稱安彌爲彌安

十六國春秋西涼錄蒙遜侵至建康掠三千餘戶去嵩追之及於彌安盡收所掠之

戶以是知彌安今張掖北魏屬永平縣隋屬張掖縣唐屬蓼泉

守捉城西涼錄李歆敗於蓼泉為蒙遜所殺北涼錄蒙遜追至臨澤斬歆是蓼泉為臨澤近地唐地志在郡

西一百二十里五代陷回鶻宋屬西夏鎮夷郡元屬甘州路明為

甘州右衛地

國初因之雍正三年為張掖縣地乾隆十五年分設廳治

領二十四堡城北五里弱水水北邊牆之南為平川營牆北有高臺地飯後西行 七

里新工堡 八里小魯堡即雙泉堡沿途多鹹地間有沮

洳過此復入沙漠 五里魯灣墩高臺沙中烽臺一座四無

居人 五里渠口堡 七里八里鋪有邨樹溝渠 八里

高臺縣東門高臺驛一里住行館城周五里半計行八十一里知

縣事銅梁陳世五昌

高臺漢酒泉郡表是

今縣西

樂涇

南

會水

縣西北百餘里合黎山下鎮夷堡等地

三縣地後漢改表是爲表氏晉

因之後俱廢咸康初前涼張駿置建康郡

省志縣東南十里或云在縣西

南四十里駱駝城

唐於樂涇置福祿縣屬肅州證聖元年王孝傑

於甘州西二百里置建康軍宋陷西夏元屬甘州路明設

高臺千戶所

因西有臺子寺爲名

及鎮夷所

縣西北百二十里明建城又北一千里爲額濟

納蒙古西夏置威福軍元屬亦集乃路

屬陝西行都司

國初因之雍正二年改高臺縣屬甘州府七年改屬肅州

縣北十里合黎山自撫彝入境至鎮夷營折而北其尾與毛目城東西斜對相距約六十里邊牆在縣北五里緊緣山根南山卽祁連一名雪山其勢由東漸偏西南東峰距縣約烏里六十西南峰距雙井驛約烏里一百縣南榆木

山約鳥里四十在祁連北自黎園營依附祁連池西至從
仁堡止長百餘里榆木祁連之間東窄西寬東自新墩至
黎園極狹處僅容騎西則順德暖泉兩堡在山峽內黑水
河卽弱水經縣北入亦集乃海詳昨記 高臺營都司所
管汛地東二十里魯灣墩接撫彝營界西六十三里黑泉
水灣墩接鎮夷營界東南三十里威魯墩接黎園營界東
北十里六壩夾山墩接平川營界西南三十里順德堡北
之高崖墩接紅崖營界西北六十五里十壩馬圈墩接鎮
夷營界 高臺西南四十里高崖子又五十里暖泉七十
里紅崖堡明初築周二里西北距肅州一百九十里今駐
守備其要隘曰石灰關河曰在堡西南十五里曰水關口
在正南二十里曰擺浪河曰在東南五十五里曰新墩子
口在東南八十五里均通青海所管有西喇古爾黃番二
族男女六百餘口唐烏忒黑番一族男女四十六口每年
按壯丁二十名納馬一匹由甘州提督撥交營伍 石灰
關口外五十里索口達坂踰此西通討來川腦東通八寶
山 紅崖堡百姓畜牧者夏秋時放牲入索口
達坂至冬山徑雪擁不能出卽畱在山間隙地
二十七日出高臺縣西門 城周一千七百餘垛內外居
民七百餘家西門曰宣化 三

里月牙湖沮洳有隄有土橋五六想二里西五里墩有長渠

三里西八里鋪莊堡夾道 三里嶺灘 四里臺子寺堡在

道左數十丈名鎮西周西涼李嵩臺址後人建寺於上縣

名所由起也 一里吳家堡在道北二里有歧路偏西南

川心 二里宣化堡周約二里內外堡北有街鋪戶二十家汛墩

題青山街東連屬三莊三里樂善堡道北里許土人呼殷家寨三

里路南半里有高樓出樹間曰定安堡周三里三分居經

堡北小街鋪戶十餘家附近有三里二里大凝上莊在道南二

里大凝堡南門有高樓路經北鄉人呼爲羊達子堡周二里餘

民居二 一里度渠橋二 一里過擺通河北入弱水詳前即擺浪

河俗呼羊達子河車馬逕過河西皆沙漠循河灘西北行八里狼窩

墩邨曰窪壩或稱永豐堡田舍數家白楊成林四里東有歧路通至

黑新壩一里攔馬墩墩北一莊南三莊五里黑泉驛高臺進舊城南牆

破門住堡外行館計行五十里黑泉舊城明建周三里三分南北二門牆垛多頽今

傍西垣作小堡周里許向東一門額題吉暉驛在堡內驛西火神廟有老白楊圍六七尺橫臥於地枝幹穿牆而起

堡內外居民三百家附城麥田十頃高臺西路各堡首推黑泉同治季年回匪來攻拒守未破

二十八日丑由黑泉西北行三里張家莊五里八里

墩五里水灣墩五里馬尾湖夏秋黑水漲溢餘波瀦此道多泥淖

硝鹼五里荒沙連阜如冢北傍黑河有邨樹河北曰羅城渠一里花牆

堡東街約四五十家堡西南隅曰臨河墩花牆多沮洳產蚊子草結實如球蚊出其中夏秋間行旅苦之此

處西北三十五里黑水河舟車皆可過惟始凍解凍時泥
湍難行過河五里鎮夷營又北逾合黎山峽俗名石門日
極崎嶇出峽六十里清流墩十里雙樹屯三十里芡芡墩
四十里毛目城周二里三分高臺縣丞及把總駐焉毛目
轄境南北如一線依黑河東岸引渠裂田以天地元黃等
字名渠凡二十餘邨餘皆沙漠城北三十里萬年渠又十
里雙城子接額濟納蒙古界黑河
西爲肅州王子莊州同所屬地
七里新添墩見黑河北
堡其總名五里紅寺坡大沙阜也
下有土屋二上沙厚澀
曰紅山渠五里紅寺坡大沙阜也
有廟一墩一

輪升坡殊艱北望合黎白光一道環其下蓋弱水經流盡

成堅冰也

若繞墩北不必升坡也河西有邨曰下堡

五里中沙墩

多沙窩一車名地耕坡

脫輻步行五里山嘴墩

一名深溝墩蓋西去者至此下沙坡入溝西來者上坡如山也道旁

堆小石爲人形車夫經過必塗以油名曰石人子以爲神靈云

九里過小河

一里深溝

驛堡土屋廿餘家有把總食於行館

池南草灘作牧場有瞭馬墩又南皆沙漠

有明海子夏秋積水冬春涸竭驛北黑山長沙嶺至此有
缺口通鎮夷堡約二十里明洪武三十年築堡設千戶所
永樂初為弱水所決大順中改築仍在水北今駐遊擊北
距邊牆三里地瘠鹵居民止二百餘家汛地狹小東南有
高臺都司西北有金塔協似
可將鎮夷營裁并入他營
十里靖邊墩 五里雙泉墩

亦稱馬蓮井子土屋五六七里東八里墩 五里沙嘴墩壘土間有

枯草三里鹽池驛高臺街東有小堡明建周一里居民住行館

計行八十六里鹽池在北山下從紅寺坡起西至苦水墩

崖堡水關口一百四十里東南至暖泉渣子河口一百六

十里南至清水堡所屬黃草壩榆林壩諸山口一百二三

十里東北至鎮夷堡五十里西
北至金塔寺營一百一十里

二十九日卯由鹽池西行荒地尙平 五里煙堆凹墩

三里西八里墩 七里半截墩南草湖北硝鹼十里苦水墩土屋三家

北爲乾糧山南皆沙漠直距五里沙河墩 五里東新墩
肅州上河清堡約鳥里六十

五里雙井驛廢堡

明建周三百丈居民二十餘家

饘於行館

地皆沙漠至肅州上

河清南北逕過可騎行不便行車

十里西新墩

五里下營兒墩

一名河清墩汛

屬鎮夷土屋二三左右草灘

五里界牌墩

入肅州界北爲夾山一名火石山白河經其陰

十里

鹹溝墩

十里黃泥鋪

土屋三

十里劉斌溝墩

右有

十里

臨水驛

肅州

住堡內行館計行一百里權知州事秀水朱味

笙宗祥及城守營遊擊以下各武員均來

堡周四百丈長方形東門題金

泉保障西門題玉塞通衢內外居民八十餘家有把總堡

西北十里下古城有外委折東北十里出邊牆又北十里

鴛鴦池五里夾山大口子二十里古邊牆五里金塔寺明

築城嘉靖五年巡撫陳九疇言哈密內徙居金塔寺等處

宜將肅州北境棄地及威虜舊址修築安插之又罕東屬

番避吐魯番亂遷肅州時與居民戕殺嘉靖二十八年巡

撫楊博築金塔白城七堡令徙居之今金塔堡形方周一百九十里東南北三門堡外有古邊牆圓繞如環周三十里堡駐副將及州同東北距毛目一百四十里西南距肅州一百里東北百餘里雞心山正北百餘里孤紅山又北百三十里有唐威遠守捉城金塔西北路十五里察黑包墩又二十五里威虜堡有千總其西南有二渠曰王子東壩王子西壩雍正時王子莊州同駐威虜堡鎮撫哈密纏回乾隆時纏回歸哈密移州同駐金塔又西北五十里石人子卡六十里沙棗園九十里玉門東北之花海子又西北一百五十里十二墩一百二十里烏拉木泉五十里二家胡桐六十里陰凹峽七十里蘆草溝七十里牛圈子七十里勒巴泉八十里明水九十里東泉山九十里鏡爾泉在哈密東境塔什嶺下九十里大石頭一百二十里上莫艾泉一百四十里土古里克爲哈密東北境西行一百五十里西腰泉七十里奎蘇九十里鎮西臨水卽紅水出廳此漢將出酒泉伐蒲類天山之道也

州西南八十里卯來泉山內東北流至臨水驛又北至下

古城會討來河 討來河卽唐之多樂水也 唐書王方翼傳引多樂水